

Presidente di fundacion Dominicano Juan Pablo Duarte:

Plasa Juan Pablo Duarte na Aruba ta algo historico pa e Dominicanonan



Presidente di fundacion Dominicano Juan Pablo Duarte.

ORANJESTAD - Presidente di fundacion Dominicano Juan Pablo Duarte, sr. Winston Tavares ta invita henter comunidad Dominicana residencia na Aruba pa asisti na e acto oficial di desvelo di e busto di e tata di e nacion Dominicano, Juan Pablo Duarte, y inauguracion di e plasa cu ta carga su nomber. E ceremonia aki ta tuma lugar awe 14 di juli pa 4'or atardi.

Sr. Tavares a califica e hecho aki como "algo historico"; ya cu practicamente nan ta e unico comunidad Dominicana den e region aki cu lo por conta cu un plasa pa celebra nan dianan nacional.

CAMINATA

Igualmente Presidente di fundacion Dominicano Juan Pablo Duarte, sr. Winston Tavares a bisa cu proximo nan lo organisa un caminata cu lo tuma luga dia 5 di Augustus proximo. Di e forma aki nan ta bay celebra e prome aniversario di existencia di e fundacion; y pa conmemora e "Luna di Restauracion" cu lo ser celebra dia 16 di Augustus venidero.

E caminata lo start for di e sede di e fundacion aki situa na Avenida Milo Croes 35-A (dilanti di Entertainment Center) te e plasa nobo na honor di e

heroe Dominicano, Juan Pablo Duarte na altura di hospital bieu na Playa.

E lo ta un caminata di 5 kilometer caminda e par-

ticipantenan lo haya fruta fresco y awa. Tambe lo tin T-shirt disponibel; y locual nan ta pidi ta un contribucion di 5 florin so. Nan ta

buscando sponsor pa asina traha e T-shirtnan den cuadro di e caminata aki.

"Esun cu ta contribui cu

5 florin lo yuda e fundacion Dominicana, y nan lo haya tambe fruta fresco y awa", asina sr. Tavares a declara. □